



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ბრტყელეკალა

ბრტყელეკალა (*Onopordum*), მცენარეთა გვარი რთულყვავილოვანთა ოჯახისა. მეტწილად ორწლოვანი, ეკლიანი ბალახებია. აქვთ 150 სმ-მდე სიმაღლის ფრთიანი ღერო, მორიგეობით განლაგებული, ფრთისებრ ჩაჭრილი, ეკლიანი, მოგრძო ფოთლები და დიდ, მრავალყვავილიან კალათებად შეკრებილი მენამული, მილისებრი ყვავილები. გვარში 40-ზე მეტი სახეობაა, რ-ებიც გავრცელებულია ევრაზიასა და ჩრდ. აფრიკაში, მეტწილად ხმელთაშუაზღვისპირეთში.

საქართველოში ამ გვარის 2 სახეობა იზრდება – *O. acanthium* და *O. heteracanthum*, პირველი გვხვდება აფხაზეთში, აჭარასა და ქართლში, მეორე – მხოლოდ ქართლში. ორივე სახეობა იზრდება დანაგვიანებულ მშრალ ადგილებზე.

ლ. ხინთიბიძე
